

Hordaland fylkeskommune
Postboks 7900
5020 Bergen
hfk@hfk.no

21. juni 2017

ENGESUND FISKEOPPDRETT AS. SØKNAD OM UTVIDING FRÅ 1560 TONN MTB TIL 2340 TONN MTB PÅ LOKALITET NR 11644 DUESUND I MASFJORDEN KOMMUNE.

Engesund Fiskeoppdrett AS har løyve på lokalitet Duesund for ein MTB på 1560 tonn for konsesjonen HFJ 0010 og visningskonsesjonen HFJ 0023. Det vert søkt om ei utviding av lokalitets MTB-en på lokaliteten med 780 tonn for akvakulturløyve HFJ 0026 (grønt løyve), til ein samla MTB på 2340 tonn MTB innafor dagens godkjente anleggsplassering, som ligg innafor område AK 11 som i Masfjorden kommune sin kommuneplan 2012 – 2024 er regulert for akvakultur.

Grunngjevinga for denne søknaden er at me ser oss nøydd til å redusere vår aktivitet på lokaliteten Ådnekvamme grunna oksygenreduksjon i djupvatnet i Masfjorden, som mest sannsynleg skuldast variasjon i naturlege tilhøve. Me har av Fylkesmannen i Hordaland vorte bedne om å redusere aktiviteten på Ådnekvamme, der me har eit mellombels løyve til drift ut 2018.

Den omsøkte utvida lokaliteten er vist på vedlagte utsnitt av sjøkart og andre kartvedlegg i rapporten til Rådgivende Biologer AS (rapport nr 2465). Anlegget legg opp til ei miljøvenleg drift, med god plass til fisken i anlegget. Ein kan og nemne at Engesund Fiskeoppdrett AS har investert i ein topp moderne lav profil fôrflåte som er kledd med kebony (for å passe betre inn i terrenget, og har ein nedkjølande effekt på fôret om sommaren). Det er eit integrert dødfisksystem i flåten, med automatisk pumping av eventuell dødfisk. På alle lokalitetar nyttar ein luseskjørt og undervassføring på 5 m djupne. Ein har og kameraovervaking i kvar merd som vert styrt frå flåten, slik at me til ei kvar tid har full visuell kontroll på fisken.

Rådgivende Biologer AS har på oppdrag frå oss gjennomført ei vurdering av den omsøkte oppdrettslokaliteten basert på kartstudiar, tidlegare straummålingar, miljøgranskingar og kjennskap til tilsvarende oppdrettslokalitetar. I rapport 2465 føreligg det ei område- og lokalitetsskildring med verdivurdering og vurdering av verknader og konsekvensar ved ei utviding basert på undersøkingar på og rundt lokaliteten og i resipienten. Det også er lagt ved ei skisse med tekstdel som viser plasseringa av det godkjente anlegget med fortøyingar (målestokk ca 1:9.100).

Det er tidlegare gjort nærliggjande straummålingar og B-gransking på den omsøkte utvida lokaliteten, og me har klarert med Fylkesmannen si miljøvernavingdeling at me ved denne søknaden om utviding av lokalitets MTB-en ikkje treng å gjere supplerande granskingar all den tid det berre er vel eit år sidan førre søknad om utviding, og me har i praksis ikkje auka produksjonen i anlegget noko sidan då. Det kan nemnast at lokaliteten låg brakk nesten heile 2016, der det ikkje kom ny fisk i anlegget før desember 2016. Den vedlagte dokumentasjonen syner at lokaliteten er godt eigna til oppdrettsverksemd, med gunstig habitat for gravande botndyr og gode tilhøve for vassutskifting i merdane.

Me vonar på ei snarleg og positiv handsaming av denne søknaden.

Vedlagt følgjer for lokaliteten ved Duesund:

- Utfylt søknadsskjema
- kvittering for betalt gebyr for utviding av lokalitets MTB-en på Duesund (Kr 12 000)
- Rapport nr 2113: B-gransking Duesund 2015.
- Rapport nr 2187: Straummåling og botngransking ved oppdrettslokalitet Duesund.

I rapport nr 2465 frå Rådgivende Biologer AS som gjeld utvidingssøknaden så finn ein:

- område- og lokalitetsskildring
- djupnetilhøve i sjøområdet på og rundt lokaliteten
- vurdering av verknader og konsekvensar
- plassering av anlegget med fortøyingsplan (M= ca 1 : 9 100)
- beredskapsplanar for anlegget
- helsefråsegn for dei to siste utsetta
- dokumentasjon av IK systemet

Ein har ikkje lagt ved:

- Konsekvensutredning, då den omsøkte MTB er på 2340 tonn, og anlegget vil liggje innafør område avsett til akvakultur

Når det gjeld behovet for KU i denne konkrete saka, meiner vi at denne saka er tilstrekkeleg opplyst og ikkje treng noko vidare konsekvensutgreiing. I høve til Forskrift om konsekvensutredningar for tiltak etter sektorlover av 1. januar 2015 er det omsøkte tiltaket eit Vedlegg II tiltak som skal handsamast etter § 3 i nemnde forskrift. I høve til § 3 i forskrifta kan ansvarleg mynde krevje at tiltakshavar bidreg med naudsynte opplysningar før søknaden vert sendt på høyring dersom ansvarleg mynde meiner at søknaden ikkje gjev eit tilfredsstillande grunnlag for å vurdere om tiltaket kan få vesentlege verknader. Ved dette høvet stettar søknaden dei krav som gjeld for søknader om oppdrettslokalitetar i sjø, og den omsøkte lokalitets MTB-en er relativt låg. Det er soleis lite truleg at dette omsøkte tiltaket kan få vesentlege verknader på miljø, biologisk mangfald og samfunn, og me vurderer det slik at denne saka treng ikkje noko ytterlegare konsekvensutgreiing.

Med den omsøkte lokaliseringa av anlegget på lokaliteten, viser denne søknaden med den vedlagte dokumentasjonen at lokaliteten vil vere godt eigna til fiskeoppdrett.

Me vonar på ei snarleg handsaming av Engesund Fiskeoppdrett AS sin søknad.

Med venleg helsing
for Engesund Fiskeoppdrett AS

Gisle Andre Rønstad
GISLE ANDRÉ RØNSTAD

FOR

Svein Eivind Gilje